

海國公餘輯錄

黃遵憲署檢

海國公餘輯錄

黃通憲君編

海國公餘輯錄卷二

嘉應張煜南榕軒輯

弟鴻南耀軒校

目錄

地球

皇清一統輿圖

亞細亞

東洋二國

南洋濱海各國

南洋各島

東南洋大洋海各島

五印度

印度以西回部四國

西域各回部

歐羅巴

俄羅斯國

瑞國

噶國

海國公餘輯錄卷二

嘉應張煜南榕軒輯

弟鴻南耀軒校

地球

地形如球以周天度數分經緯線縱橫畫之每一周得三百六十度每一度得中國之二百五十里海得十之六有奇土不及十之四

地球從東西直剖之北極在上南極在下赤道橫繞地球之中日馭之所正照也赤道之南北各二十三度二十八分爲黃道限寒溫漸得其平又再北再南各四十三度四分爲黑道去日馭漸遠凝陰沍結是

爲南北冰海

地球從中間橫剖之北極南極在中其外十一度四十四分爲黑道再外四十三度四分爲黃道限再外二十三度二十八分赤道環之

按北冰海人人知之南冰海未之前聞頃閱西洋人所繪地球圖于南極之下註曰南冰海以爲不通華文誤以北冰海例稱之也詢之米利堅人雅稗理則云此理確鑿不足疑也赤道爲日馭正照之地環繞地球之正中中國在赤道之北卽最南濱海之間廣尙在北黃道限內外較之北地寒暖

頓殊遂以爲愈南愈熱抵南極而石鑠金流矣殊
不知日馭所行乃地球正中之地由閩廣渡海而
南水程約五六千里而至婆羅洲一帶乃正當赤
道之下其地隆冬如內地之夏初然再南而至南
黃道限之外其氣漸平再西南而至阿非利加之
吸朴則已見霜雪又再西南而至南亞墨利加之
鐵耳聶離已近南黑道則堅冰不解當盛夏而寒
栗由此言之南極之爲冰海又何疑乎中國舟行
不遠以閩廣爲地之盡頭遂誤以赤道爲南極固
宜其聞此說而不信也

大地之土環北冰海而生披離下垂如肺葉四凸參差不一其形泰西人分爲四土曰亞細亞曰歐羅巴曰阿非利加此三土相連在地球之東半別一土曰亞墨利加在地球之西半

亞細亞者北盡北冰海東盡大洋海南盡印度海西括諸回部西南抵黑海在四土中爲最大中國在其東南卦兼震巽壤盡膏腴秀淑之氣精微之產畢萃於斯故自剖判以來爲倫物之宗祖而萬方仰之如辰極我朝幅員之廣曠古未有東三省之東北隅地接俄羅斯正北之內外蒙古諸部悉其庭幕編入

八旗爲臣僕西南之青海兩藏置候尉而安枕西北
之新疆回疆包漢志西域諸國之大半而卡外之哈
薩克布魯特諸部歲以牲畜供賦役東海之朝鮮琉
球南裔之交趾暹羅緬甸南掌廓爾喀諸國修貢職
無愆期是亞細亞一土未奉我正朔者僅有東海之
倭奴北裔之俄羅斯極西之弱小諸回部南荒之印
度諸國耳則中國之在亞細亞固不止得其半也
歐羅巴者亞細亞極西北之一隅地形與海水相吞
齒比之亞細亞不過四分之一部落甚多就其大者
言之約十餘國其人性情精密工於製器長於用舟

四海之內無所不到越七萬里而通於中國凡中國所謂大西洋者皆此土之人也

阿非利加在亞細亞之西南當羅經坤申之位東西南三面皆大洋北面兩內海界隔僅一線與亞細亞相連其地廣莫約得亞細亞之半迤北有回部餘皆黑夷天時炎酷土脈粗頑人類混沌在四土中爲最劣

亞墨利加在地球之西半與三土不相屬地分南北兩土中有細腰相連北亞墨利加之北界直抵冰海其西北一角與亞細亞東北一角相近中隔海港數

十里東南與歐羅巴諸國隔大西洋海遙對西面大洋海直抵亞細亞之東方見畔岸南亞墨利加與北亞墨利加一線相續其極南地盡之處已近南冰海兩土合計約與亞細亞表延相埒其地自剖判以來未通別土歐羅巴人於前明中葉始探得之

四土皆從北極紛披下垂南黃道之南僅有島嶼再南則汪洋一水直至南極無片土矣土在上而水在下亦坤輿自然之理也

四大土之外島嶼甚多最大者澳大利亞餘則亞細亞之南洋諸島亞墨利加之海灣羣島皆商艘數至

之地也

土之外皆水也一水汪洋誰爲界畫就各土審曲面勢強分爲五曰東洋大海曰大西洋海曰印度海曰北冰海曰南冰海

東洋海者由亞細亞之東抵亞墨利加之西泰西人因其風浪恬平謂之大平海洋面之廣闊以此爲最蓋環繞地球之半矣

大西洋海由歐羅巴阿非利加之西至亞墨利加之東遠者萬餘里近者不足萬里

印度海北至亞細亞東至澳大利亞西至阿非利加

由印度適中而南望故西人以此稱之卽中國之南洋暨所稱之小西洋

北冰海者亞細亞歐羅巴北亞墨利加三土之北境環而拱之近岸千百里霜雪凝結堅冰不解海有大魚能吞舟莊子所謂北溟有魚其名爲鯨者殆謂是歟

南冰海在南極之下氣候與北冰海相若

亞細亞有阿勒富海又有紅海皆由印度海分注歐羅巴有地中海又有黑海又有黃海皆由大西洋海分注惟亞細亞西境之鹹海裏海則與大海

絕不相通蓋本大澤強名之爲海耳

皇清一統輿地全圖誌

坤輿大地以中國爲主疆域之界畫山川之形勢
人人知之不煩覲縷我國家龍興艮維奠基遼
瀋東盡赫哲費雅諸部黑龍江一省北跨外興安
嶺周迴萬餘里皆自古重譯不到之地至若旃裘
毳幕碁布北庭雪嶺天山蟠迴西域襄平箕子之
遺封烏斯吐蕃之舊部昔限異方今歸典屬輶車
往復畿赤無殊且內府圖志考據綦詳諸子百
家論述尤夥非卮言之所能盡亦非外史之所宜
言故不復贅

一、對東嶽志無極且內河國子生劉宗周等
書其自謀如蕃之舊府昔則異大今觀與國出車
壽慕基市北窺雲巖天山融陬西楚襄平箕子之
崩周國萬倫里昔自古重難不降之岷至若鹹秦
擊秦虛結背費雖臨黑龍江一省北徂松興安
人人賦之不取贖懸旌國宗並與貝聯奠基際
吐陳大岷以中國怒主歸想之畏畫山川之派接

亞細亞

亞細亞本土土耳其買諾古時地名泰西人於此土之東統名曰亞細亞幅員之廣爲四土之最居是土者爲中國之十八省東三省內外蒙古諸部新疆回疆青海前後藏其北際海爲俄羅斯之東境其東濱海藩國曰朝鮮海中三島曰日本又小島曰琉球其南與中國之滇粵諸省毘連者曰安南暹羅緬甸南掌散布海南之中者曰南洋羣島其西北與新疆回疆毘連者曰西域諸回部其西南與西藏毘連者曰廓爾喀曰五印度再西爲阿富汗俾路芝波斯諸回部